

**Consortiwm De Orllewin a Chanolbarth Cymru
South West and Mid Wales Consortium**



Y Bwrdd Gweithredol

**26 Mehefin 2015
Y Llwyfan
Caerfyrddin
11.30 a.m. – 1.00 p.m.**

PRESENNOL: Eifion Evans [Cadeirydd] Prif Gyfarwyddwr ERW Cyngor Sir Ceredigion;

Aled Evans	Castell-nedd Port Talbot;
Betsan O'Connor	Rheolwr Gyfarwyddwr ERW;
Rob Sully	Cyngor Sir Caerfyrddin;
Ian Thompson	Pennaeth Arweinyddiaeth a Datblygiad ar gyfer ERW;
Lindsay Harvey	Dinas a Sir Abertawe;
Martin S. Davies	Cyngor Sir Caerfyrddin;
Hefyd yn bresennol fel arsylwyr:	
Gwion Dafydd	Ymgynghorydd Ystadegol;
Martin Grey	Llywodraeth Cymru;
Joanne Hendy	Archwilio Mewnol - Cyngor Sir Penfro

1. YMDDIHEURIADAU AM ABSENOLDEB

Cafwyd ymddiheuriadau am absenoldeb gan Alun Charles (Aelod Annibynnol o'r Bwrdd), Sarah Fulthorpe (Llywodraeth Cymru), Jonathan Haswell (Swyddog Adran 151, Sir Benfro), Geraint Rees (Llywodraeth Cymru) a Mike Gibbon (Ysgol Sandfields, Castell-nedd Port Talbot, Is-gadeirydd, Bwrdd y Penaethiaid).

2. DATGAN BUDDIANNAU PERSONOL

Ni chafwyd unrhyw ddatganiadau o fuddiant personol.

3. COFNODION Y CYFARFOD AR 27 MAWRTH 2015

CYTUNWYD bod cofnodion y cyfarfod ar 27 Mawrth, 2015 yn cael eu cadarnhau yn gofnod cywir.

4. DATGANIAD CYFFREDINOL BLYNYDDOL

CYTUNWYD bod copi o'r Datganiad Cyffredinol Blynyddol yn cael ei anfon i bob Cyngor cyfansoddol ar ERW.

5. COFRESTR RISGIAU

Dosbarthwyd i'r Bwrdd gopi o'r Gofrestr Risgiau a fyddai'n helpu ERW i gefnogi ei amcanion, defnyddio adnoddau'n effeithiol, a chyflawni deilliannau yn ôl y bwriad.

CYTUNWYD bod y Gofrestr Risgiau yn cael ei chymeradwyo.

6. POLISI CWYNION

Dosbarthwyd i'r Bwrdd gopi o bolisi cwynion ERW.

NODWYD.

7. FFRAMWAITH RHANNU SWYDDOGAETHAU

Dosbarthwyd i'r Bwrdd gopi o'r Fframwaith Rhannu Swyddogaethau a fyddai'n ategu dylunio a darparu gwasanaethau ym mhob rhan o ERW. Awgrymodd y Cadeirydd y dylai unrhyw faterion oedd yn peri pryder gael eu cyflwyno yng nghyfarfod misol Grŵp y Cyfarwyddwyr.

CYTUNWYD bod y Fframwaith Rhannu Swyddogaethau yn cael ei ddefnyddio i wneud newidiadau i rolau pob awdurdod lleol yn ERW fel y pennwyd yn y Cytundeb Cyfreithiol.

8. CRAFFU AC ATEBOLRWYDD DEMOCRATAIDD

Dosbarthwyd papur i'r Bwrdd a bennai'r trefniadau cynlluniedig ar gyfer craffu ac atebolrwydd democrataidd ERW. Ei nod oedd diffinio'n glir y disgwyliadau o ran trefniadau atebolrwydd a chraffu ar y cyd effeithiol i randdeiliaid allweddol o fewn prosesau atebolrwydd democrataidd pob awdurdod lleol cyfansoddol. Roedd trefniadau ar y gweill i gynnal seminar ym mis Medi ar gyfer yr holl gadeiryddion craffu.

CYTUNWYD bod y trefniadau presennol yn cael eu cymeradwyo.

9. Y CYFNOD SYLFAEN

Dosbarthwyd papur i'r Bwrdd a ddarparai fanylion ynghylch sut y byddai cymorth i'r Cyfnod Sylfaen yn ERW yn cael ei roi ar waith ac yn gweithio'n effeithiol fel ffrwd waith er mwyn cyflawni blaenoriaethau'r Cynllun Busnes. Dywedodd BO'C fod angen i ERW sicrhau nad oedd swyddogaethau'r awdurdodau lleol yn gorgyffwrdd ac felly roedd yn rhaid sefydlu ffiniau. Mynegodd y Cadeirydd bryderon ynghylch diffyg eglurder ar lefel Genedlaethol o ran y mater cymhleth hwn, ac roedd o'r farn fod angen trafodaeth ynghylch yr hyn roedd ERW yn gyffyrddus ag ef ar lefel ranbarthol.

CYTUNWYD bod y mater yn cael ei drafod yng nghyfarfod nesaf Grŵp y Cyfarwyddwyr.

10. HYFFORDDIANT E-DDYSGU I LYWODRAETHWYR YSGOL

Dosbarthwyd papur i'r Bwrdd am ddarparu mynediad i fodiwlau E-ddysgu ar gyfer hyfforddiant statudol ac anstatudol i'r holl lywodraethwyr ysgol. Roedd Grŵp Cymorth i Lywodraethwyr ERW wedi blaenoriaethu hyfforddiant fel elfen allweddol o weithio rhanbarthol ac yn y flwyddyn bresennol roedd y grŵp wedi rhannu ei raglenni hyfforddiant, gan ddatblygu rhaglen ledled y rhanbarth. Er bod yr adroddiad yn argymhell cymeradwyo prynu'r Hyfforddiant E-ddysgu i Lywodraethwyr i'w roi ar waith ar draws y rhanbarth trwy un taliad o £6,000 i'w wneud gan ERW, awgrymwyd bod y mater yn cael ei ohirio er mwyn gweld beth oedd safon mathau eraill o hyfforddiant ar-lein oedd ar gael am ddim.

CYTUNWYD i ohirio rhoi ystyriaeth i'r mater hwn tan y cyfarfod nesaf.

11. GRŴP CYFREITHIOL GWEITHREDOL

Rhoddodd y Bwrdd ystyriaeth i bapur a gynigai cynnal cyfarfodydd y swyddogion cyfreithiol gweithredol bob tymor. Awgrymwyd y byddai'r cyfarfodydd hyn yn helpu'r awdurdodau lleol cyfansoddol o ran gwybodaeth ychwanegol ac yn darparu briffiau i Gyfarwyddwyr fel y bo'r angen.

CYTUNWYD I

11.1. gynnal cyfarfodydd y swyddogion addysg cyfreithiol gweithredol unwaith y tymor a bod y Grŵp yn cael ei gadeirio gan Stephanie Williams [Dinas a Sir Abertawe];

11.2. gofyn i'r Grŵp ymchwilio i weithrediad hysbysiadau cosb benodedig gan awdurdodau lleol cyfansoddol ERW.

12. Y GYMRAEG MEWN ADDYSG - DIWEDDARIAD

Rhoddwyd ystyriaeth gan y Bwrdd i adroddiad a oedd yn rhoi trosolwg o Grŵp y Gymraeg mewn Addysg ERW ac yn darparu manylion ynghylch sut y byddai'r cymorth i Gynllun Busnes y Gymraeg mewn Addysg ledled ERW yn gweithio. Byddai'r Cynllun yn sicrhau cysondeb o ran ymagwedd at ddwyieithrwydd ar draws ERW ac yn gwella safonau o ran addysgu a dysgu y Gymraeg fel iaith gyntaf ac ail iaith.

CYTUNWYD i roi awdurdod i swyddogion fwrw ymlaen â'r cynllun fel yr amlinellwyd yn yr adroddiad.

13. DYSGU PROFFESIYNOL A'R FARGEN NEWYDD

Cyflwynodd Ian Thompson Dabl [ar gael ar wefan ERW] a roddai gipolwg cyffredinol ar y camau allweddol mewn perthynas â Dysgu Proffesiynol o ran gweithredu'r Fargen Newydd yn ogystal â chynnig rhagolwg strategol. Y disgwyl oedd y byddai pob ysgol yn dod yn ysgol dysgu proffesiynol ar gyfer rhyw agwedd ar ei gwaith. Roedd tair astudiaeth achos i fod i gael eu lanlwytho i wefan ERW er mwyn i'r holl

ysgolion gael golwg arnynt. Er bod diwrnod hyfforddiant i Benaethiaid Ysgol wedi ei drefnu ar gyfer mis Medi, dywedwyd y dylent hefyd gael cymorth bugeiliol er mwyn cynnal cydbwysedd bywyd / gwaith. Croesawodd RS y Tabl ond mynegodd bryderon ynghylch y cyfeiriad cenedlaethol a gallu ysgolion i roi'r cynigion hyn ar waith. Roedd o'r farn, er bod hwn yn gyfle i ysgolion da wella, y gallai ysgolion eraill gael anhawster. Dywedodd y Cadeirydd ei bod yn bwysig fod ERW fel corff ar y cyd yn cefnogi'r cynigion.

NODWYD.

14. RHANNU DATA

Rhoddwyd diweddariad i'r Bwrdd ynghylch sefyllfa ERW a'r 6 awdurdod lleol o ran rhannu data ar draws y rhanbarth a'r defnydd a'r diogelwch dilynol o ddata lefel disgyblion. Roedd yn ofynnol i'r 6 awdurdod lleol lofnodi datganiadau ynghylch y Protocol Rhannu Gwybodaeth a fyddai'n cael ei gadw'n ganolog yn ERW. Diolchwyd i Gwion Dafydd am y gwaith roedd wedi ei wneud.

NODWYD.

15. DYDDIAD Y CYFARFOD NESAF:

NODWYD bod y cyfarfod nesaf wedi'i drefnu ar gyfer 24 Gorffennaf 2015.